



^ 16  
2798  
24

24  
24



門 16  
號 2798  
卷 24

黃漳浦集卷四十九

七言絕句

九華山詩六章

凡游九子從青陽西上者得諸峯之麓奇翠可割從雙  
溪口南下廿餘里踰嶺直探華心四顧蜂窠僧房而已  
迴視天臺如手搔背跨竺峯取徑巉削絕人東望獅子  
文殊邈出異道矣從昔游九子者皆歸宿竺峯徐從東  
南漸領諸勝直就竺峯探之如不相涉也王文成住此  
中最久曾賦其勝謂在峨眉天台而上今草草爲俗徑  
塞道使人悵然下視山門水走石怒無復幽致惟野爵  
成羣趨蹌迎導以千百計差爲親人耳余自蚤歲山行  
常值風雨今以雨中游九華乃得盡數九華亦不復爲

昭和十九年  
六月二十日  
購求

恨

浮雲果亦有開時碧眼山精坐不疑掃盡芙蓉諸夢語一宵風  
長明月芝

癡羊驅雨報晴回紺雀成羣迎客來寄問鐘華連女几長年奇  
秀爲誰開

龜巢燕幕各婀娜盤露翻空不動荷莫向蘇門閒作嘯齋房錦  
索調鸚哥

虎耕芝草鳥王禁別種珊瑚江水深無限故山青玉案浪隨鶴  
客買松心

纔看巉巖更畏人鳥飛不度結誰鄰畱將徑尺眉閒道貼與青  
天別寫真

銀河橫拂小明樓石髮長蒼未語秋寶劍碧釵相妬處容人閒

抵玉搔頭

既從青蓮祠上竺峯得捨身崖北瞰江流南隱華嶂至摘  
星巖而盡皆騎危如子華之細辨亦無他徑可至諸峯度  
諸峯之秀無能過吾鄉梁峯諸山也六章

經尋鐵杖隱奚囊倒掛花鬢白子房西界鐘聲纔過戶江湖已  
自到維揚

離巢鶴子攬松雲何事寒汀憶鷺羣已到拋身無捨處更垂絕  
壑踵三分

百丈千簫自不明隨風裂曲領空行青蓮死後天寂歷賴有孤  
峯笙磬清

惱人毛羽失翩翩枉有奇情天外懸四壁孤祠風雨裏當時藉  
草亦安眠

酣興何期不壯懷八騶羣從各登臺古人不見今夫子千里青  
鞵破浪來

除卻蜂窠蝸子間峯峯一一似家山月明倚杖過溪水疑在盤  
陀嶺下還

浮山逢一僧乞詩六章

到諸山不逢識者維此山一僧似曾面過偕諸生乞詩  
復書示之

丹崖何事輒相關芒屨欲隨鹿耳班不是茅扉局不住世間別  
有玲瓏山

毛髓重生鶴夢前鳥窠兔窟各流連可憐避暑珠簾客闕地藏  
冰未敢眠

靈山仍不費攀梯天上無言桃李蹊屈得峨眉來下拜鳳麟兒

子方壺妻

鼉鼉舊窟鮫人頭滅炬吹燈安可游正有霞杯憐爽塏雲中君  
對海神愁

半笈枯囊奈爾何繡坪雕巘自空摩山身定是瑤臺匠不與村  
家結小窩

拋官救客豈人情覽勝拋家又此行不值此游真勝絕驅羊空  
愧舊家兒

已出浮山將至匡廬阻風湖口望五老一箭耳而波濤北  
湧如在海中憶昔少年同劉魚仲泛一葉出古雷山山在  
海中萬里一碧不知上下復爲何物今在江渚中便牢騷  
乃爾阻風旣兩日舟行不過十餘里前後兩孤如舟有碇  
泊舟牛頭山下稍出南望見南風捲水噴如層雪磯石吐

沫作丈餘白鬢顧視僕子勿怪此人欲以湖傲海也攬筆  
愴然復成數言八章

如此江湖亦苦人一分波比百分塵魚鴻不識人間事盡說逆  
風適羽鱗

尋常濡足海東頭忽見潯陽潮水愁破浪少年今白髮不成翻  
買釣魚舟

布帆亦自有安期誤奏南風初烈時無數浮雲刪不盡空吹野  
水上橫陂

雲簾谷水未瑤華便遣風濤護老家莫怪三山瓊圃裏時常望  
望使人遐

一番意掉有追攀各有魚龍虎豹關拋卻隻身江上臥風根雲  
樹一齊刪

噓雲呪雨掃江流祇在香爐咫尺頭清淺看人時數少合移屐  
齒到高秋

篙神自老水神尊到處常知有待煩記得龜齡船子裏微茫畫  
雪不開門

少年嘗放匡山道今日兼焚栗里車白鹿足長江水短紫霄祇  
憶未募書

二日繫磯中已爲攢眉尋復大風坐版蕩者五日從舟人  
買米不可得憶昔謝李游興最豪所到達人攀輦結纜大  
奪靈氣末路蕭條惟杜少陵耳僕初發願自攜杖屨與游  
衲丐子同一周旋何至取忌江山便有少陵之歎要當堅  
登此興不爲孟婆所掃八章

少文高識已難酬不作畫堂信臥游風雨極天無鳥道何人動

操對孤舟

箬篷莎渚數浮沉  
掉首危檣日夜吟  
似說空山無好處  
搖搖雲樹擣江心

似此天吳結馬銜  
趁潮安得有歸帆  
江州刺史不相識  
曾說當年淚滿衫

壁流傳自有江神畏  
向小姑山下陳郤是馬當行  
已過青牛道士未通津

笑煞疏狂掛犢禪  
片時不肯候朱門  
祇今五日棲江渚  
空使匡山傲至尊

落星安得鎖明霞  
白鶴徒憐貫月槎  
憶得諸生游海碇  
一時並馬弄荷花

低昂天地一鷗鳧  
估客酣呼意不殊  
身亦海門坐臥過  
莫將杯

水笑迂儒

千年車馬破雲團  
山比高人心手難  
我是尋常看山者  
不妨卷幔與人看

棲湖口島中六日乃得渡  
一小渚傍崖走十餘里至大孤  
塘望大孤脫灑凌波雖欲從之  
未由也已四章

空茫雲樹隱江神  
七日徘徊洲渚平  
白鳥怪人無一事  
苦吟空使夜潮橫

撼磯波與孤山齊  
風色欲橫天意低  
百丈斷虹衝落日  
數聲疏雨在檣西

鯨魚西吸嶺雲忙  
菡萏自分彭澤涼  
欲結兩孤成並蒂  
美人甘在水中央

憶十年前江上游  
凍雲濕雪鎖江頭  
于今又作逆風鳥  
不趁熱

人趕順流

大孤塘覓筍輦上匡廬甚近值北風便回發舟無何風又  
息然自湖中望峯甚親不似身在九華四章

醮沙復日已難禁尙有橫塘十日陰一陣涼風催畫鼓雁帆百  
片瀉江心

催輪遑往爲香塵難道雲根亦惱人自是升沉看得慣等閒吞  
吐自家身

層崖十里信摩空一瞬帷天杳渺中我自開眸無怪物不驚坐  
起蝦蟇風

樵蕪僕子引茨還分纜將管管意未閒誦得古人真切語故鄉無  
此好湖山

廬山詩六章

南康至阜麓僅五六里西北十許里至白鹿洞體勢似  
考亭環結差小洩水易徑但倚五老足命兒孫耳山行  
四五里至白鶴觀不聞棋聲西抵峽水便爲棲賢棲賢  
久廢乍興創不甚住僧顧其地甚幽勝峽中橋亦不能  
穀月以山材度之平橫數十步下臨方潭杳窪碧深殷  
雷所趨踰峽左上數里有萬壽寺右踰嶺里許爲廬岳  
祠祠右得瀑布數十仞以在叢峽中無停盼處不得與  
開先相麗從此矗上廿許里差可喘息北出五老南出  
漢陽此其中道也五老道中六七里僧皆廬居一再度  
嶺循壑東下至三疊泉爲五老盡處泉三級匯瀉下爲  
瀑布踰岑望之粲然截玉還循崖而西望諸東峽疑角  
然可畏也凡廬山骨立眉目可辨者惟五老諸峯耳已

至峯巔則皆負土曲壑環邱自爲向背每滂鬱四塞茫  
然灑雪奔濤尋丈千態如梅雨村逕中無復奇峭巖  
之致幸小霽清拔足上五老東瞰兩湖可釣盆沼西望  
潯陽如澹魚舫垂踵大劈嵌數百仞嚮諸幽鬱差爲洗  
滌矣從此還中峯爲屋脊嶺三峽平瀉中稍回互亦已  
有曾經始其中西北出六七里爲講經臺可望三林是  
在九江之陰稍出小天池不見所謂天池者還至大天  
池得兩泓在寺中寺殊勝於池也從此東上得佛手崖  
爲周顛及諸道人祛練處碑祠具在其崖委蛇一里許  
紫翠相苔下嵌百仞左一巖已具足覆數筵中湧兩泉  
匯於石好牙 宛然度其右巖在崖窪處可鑿也凡山  
無洞壑卽懸崖百仞如陳於陵不可執手更從梵宇中

行從小兒向米菜市耳廬山北出皆廬南出皆寺惟此  
差具洞壑惜無復經理之者再度壑至黃龍潭又六七  
里至金竺坪南上六七里至仰天坪皆與諸廬夔別南  
望上霄瀑布隱然更望漢陽崖徑差池不復可度矣還  
至中峯得故道下山過棲賢二十里至開先寺將至開  
先四五里許得五乳峯又稱七指束峽中豎甚可觀開  
先亦蕭索不能及古然其兩瀑懸紳至今無恙也右瀑  
建瓴千尺俗稱馬尾遠射木末左瀑垂簾數十道高與  
之平上爲黃崖尙有茆居其中兩瀑奔瀉倍於棲賢下  
匯龍潭響振巖谷東向諸峯從匡廬跌出迴視兩瀑爲  
此山之旋支上直紫霄東臨星子匡廬之勝略具此矣  
從此西山爲建昌道踰小阜爲歸宗寺亦有懸瀑以雨



甚瀑水齧峽不能復游也

千仞危峯睨碧天不從人作小家妍試來絕頂看廬嶽那得拳  
毛當世憐

塞簾直上三千里織徑更穿六六峯一壑一谿如野僻祇依雪  
浪有無中

不經亂壑莽徘徊安得四垂瀑布來人在廬山山下過空疑白  
日有風雷

非濤非雪數迴峯知是雲根萬壑連若使此山皆骨立居人猶  
未得高眠

分明轉轂日輪中箇箇峯頭湖水通不信湖山同過海明朝瀑  
過海門東

江水西來湖水陰右庭左蠡自高深此中噓吸能多少盡得高

人不住心

走五老絕頂北望浩然便有少室三峨衡陽九嶷之意適

僕夫從石下探巨葉數片云此廬山當歸也歸材甚佳乃

悚然從此下山感而有作六章

半生纔發採藥願藥力已緘出世心此處豈成招隱徑山靈突  
自寄歸音

人閒出事已難了天下歸材各自嘉五嶽未曾親杖屨一邱何  
處認吾家

萬里拋家爲訪山山情相照亦閒關至今乃悟出山草盡爲無  
材失往還

江湖暮長倦斜陽知有家人旅夢長血性男兒多錯路奚囊印  
竹少商量

木奴十樹未成圍縱長何能便救飢三秀瑤華攀不上似應且  
駐問蒼衣  
驚鴻落雁久支離猶是行歌帶索時便道有山游不得我歸何  
處訪安期

將下山西過掌崖望其崖右爲九岐峯一僧新卜築問其  
名狀故與予相識遂不復過訪夜宿黃龍寺畱詩示意四  
章

何處雲畦憶舊游游人空自記春秋匡山顏面猶如昨纔著霧  
根已白頭  
危巒何事苦相關終日振衣杳靄閒正是紫霄行未到到時依  
舊是空山

仙掌崖垂貝葉函黃龍燈下夜枯談墨垂落蓋隻身在不放崖  
前百鳥參  
亦去鋤雲結短茅鶴輕不壞老松巢廬生若士誰彊建六尺根  
芽各自拋

下山至歡喜坪值雨憩草寮中有僧自金竺坪馳至出素  
卷索詩灑筆以晴爲限雨久不止遂至六詩

銀河串地出湖烟白馬驅山貼翠天自是故園常看過特來廬  
頂便蕭然  
爲厭波濤來嶺上翻令絕頂亦狂濤定知簾谷霏微外未必兼  
葭濕小舸  
一兩百瀑匡廬水一峯千態匡廬雲似爲避人權設法不應避  
世又逢君

巴谿楚澤望中來又被雲鬢直捲回世界總歸蒼莽裡老人莫

作少年猜

黃鶴何期間倚檻廣陵今日又觀潮始悟滄桑翻一瞬祇馮鴻  
眼下層霄

嶺上更無棲鳥語秋蟬先學老猿啼一聲嫵婉穿黃竹知是晴  
烟古寺西

入靈巖至天池四章

天池當華山右峽中石齧水瀉值小隴闌之一泓耳古  
寺皆廢爲毛家瑩意其前時紺宇當門內外精舍踞巒  
臨谿如雞頭實當復足觀也

離披梵宇巉崖中百尺芟荷浸碧空鐘磬倒垂雲影澀一行石  
馬自嘶風

鑿澗迴巒意亦幽不分禁足幽藏舟人間別有長生殿鳥迹松

窠老上頭

種蓮易得千葉種鑿石難逢似髓泥琥珀斷然餐不得呼僧更  
掇雨中芝

楊孫八尺已無賴邴構千層亦枉人集得芙蓉橫木末荷衣香  
佩自宜身

憩華山詩十章

華山寺於諸刹中最爲幽雅庭鑿石池以亂石砌之如  
家園義山擬四築莊之使方整未辦也後閣有三胡僧  
日夕遶殿問之了無所解云得舍利施城中建塔不復  
借觀憩寺中欲俟日出觀華頂朝曦值履倦遂止

一樣蘭身十樣舟碧筒素藕各安流便將平地蹇華首莫作青  
柯坪上愁

千載龜窠別戲臺攢空雲藥共徘徊西秦仙子閒無藝又與吳  
王陸博來

開齊佳齒絳含香縱不削成亦四方印取一庭中夜月更傳法  
照與空王

破盡芒鞋結翠岑遁遠當時擲杖心駿馬香醪同心盡暮鐘別  
自解梵音

胡僧百拜禮西華但說華山亦到家萬里見人形似喜飛來鷲  
嶺各嵯呀

江湖石子別夷猶不解高談亦點頭試誦掛頭千百遍狐神蛇  
鬼失開眸

穿射日光百變殊君家自有摩尼珠莫將五色矜牙頂羚羊角  
掛紫珊瑚

羅浮頂上曬朱霓五老峯前雞正啼不信日觀觀上事又從鏡  
嶂上鉤梯

尋常海嶠見朝暎空向山中禮日軒翻憶青藍扶白練人從何  
處望吳門

一日每翻十數嶺百年合掃幾山雲操蛇欲捲千峯面自對奚  
囊訴紫氛

### 天平山七章

天平山下池蓮正開主人移宅軒館洞然從白雪寺更  
陟山巔破諸洞峽周迴石笏望徑上橫關朱闌雕甍差  
池如林與山石相亞亦足樂也

碧藕穿山寫自然不知紅粉坐田田繡閣畫簾開鎖日主人長  
在小窗前

暑氣黏秋未敢涼，偶依杖笠問荷香。茶爐卸火團青石，一縷寒  
烟上竹房。  
仙人倚醉倦投壺，斲得朱闌翠篠扶。雲物猶分餘巧去，自銜六  
箸坐呼盧。  
岱華骨髓峨眉頭，千尺松崖十二樓。正在中停看四壁，臨摹愁  
殺老僧繇。  
尋常龍象各登臺，少小虬髯作意來。不是幽奇探得慣，真疑鬼  
斧墜雲隈。  
結束珊瑚百丈懸，縱無瀑布亦轟然。便教雲腳穿將過，一半蓮  
青獅子前。  
峯峯壑壑足安排，擬作烏猿百叫迴。破盡雕欄千種態，不須斷  
峽一聲雷。

西尖八章

螺髻尖頭千不羣，萬山空作水皺紋。眼中剩有青眸子，不著呆  
松與凍雲。  
兄季崑崙天下無，青天兩照亦妨孤。許將平等懸東目，別放毫  
光射碧顱。  
巨靈殘構久峨峨，百叠飛甍覆紫駝。盡道厲秦橋不就，禹王碑  
字早經磨。  
經幢座湧幾屏風，尚有堆書亂架中。三足烏蟾迷鳥篆，絨將苔  
蘚寄晴空。  
石梁架下半鑪雲，親接異香分外聞。縱有靈芝猶泉耳，玉皇案  
吏苦離羣。  
雷神祠化古僧巢，龍穴雲回蒼鼠驚。賴有老松知故事，每隨風

雨捲秋茅

裂峽崖頭玉柱西一坪一壑足幽棲藏書莫問張公巷管得青  
雲過紫溪

行囊茶笋累門生兩屐自當藍輦輕傳說去年珠履客三千佛  
火破涼城

白嶽詩十二章

丹砂裏裏珊瑚山九曲珠穿一線關靈物不嫌雞犬鬧白雲幽  
澗自迴環

我亦雙眸萬壑歸香鑪玉辰世應稀便門東過西雙闕鸞鶴猶  
慙造次飛

石樓香廡曲勾連每有形模動宛然一澗一峯分細細紫芝朱  
草殿中邊

瓊樹渾成玫瑰光浮山令弟武彝兒祇因佩服聯香火誤使人  
呼小武當

粉湖雪海繡溪田烟合烟開神鬼憐紫府鑿成禁不住自題副  
本與重元

錦鈎池子芙蓉城七匝竈一日行不是真人貪小巧香肌瑣  
骨法身輕

看山不復貌山峯五老三姑意自通尚有無窮名貌處等閒霞  
鏑與雲封

珠簾琲雨自無塵不爲號呼動四鄰帝子養仙如養鹿習聞人  
語亦安馴

膝下癡兒嬉哭來投懷投足語難裁不將雲樹排黎棗那得人  
人愜意迴

烟霞力命亦須疑如此山海居晉時天寶已穿真炁漏青牛常  
自笑支離

刊名就實久難磨不藉高人染薜蘿豈有天子徒好佞枉教百  
鳥禮丹窠

津梁不厭百澆泉洗足燒香共漱眠耐得千千市井沸此身應  
在玉皇前

齊雲山中忽得吳南陔侍郎并葉明府書六章

偶同許邁辭家日不似虞卿棄印時擔傘孤身七百里護封書  
至有誰知

幽崖何處得喬聞自對秋蟬歎落雲忽有人傳舊太史道傍知  
是故將軍

先朝殘劫不曾償蚤歲孤貧亦未央未敢開緘關眾目自攜破

鞞印蒼茫

投榛穿棘尺書來不是心知安敢裁怪得道人何苦惱無端墮  
淚濕紅灰

投山何意逢青鳥爭席自然讓野人愧作翳蟬猶未密解囊更  
換舊衣巾

倚林結屋此未能骨血猶如不斷藤每有西風同發歎十行終  
夜坐挑燈

黃山雨作伏枕有詠四章

日日搜山山亦愁烟霞一豎雅能謀罪微欲引雲巾筆先瀉流  
泉到杖頭

軒轅故蹟已空談訪道何由得駐驂千尺芙蓉萬尺水更勞風  
雨閉松杉

奇疲終亦愛清馴畏值巉巖相對人卷卻數重青霧縠臞仙猶未逞真身

紫鳳冠頭注翠瓶蒼龍髻下解懸鈴不因遊倦收雙蠟未放萬松自在青

徑山詩四章

餘杭西北入徑山可六十里其山徑道四通摩支回互所在成圖如截匡廬之頂置於隴阜也山陰多竹山陽多樅其上五峯距如拳指中坦方廣以爲梵宮右循三池上出凌霄可望天目其下卽爲天目徑道左還寺中竹逕松杉與石崖相亞繙徒茅券俱隱篁中可五六里幽邃怡人凡此山以徑自命東出餘杭西出臨安是爲雙徑又有徑道別通競出幽奇予偕何義兆從雙溪西

道行奔壑中詰屈崆嶒似建安道上知此山名徑不虛也

長杉細雨鎖秋空翠竹穿天百鳥通領得基聲聞落葉不知屐齒滯高春

栖遲小草已成塵誰憶夷齊與稽人八十一燈垂木末一燈一尺照樅身

鳥倦雲寒白露初不因擲杖悟逃虛木榆經燭佛前火續採高僧方外書

鏡崖雲碓瀉威戾五指峯深老不知鳥背自題天下徑未煩天目領鬢眉

與義兆登凌霄八章

雨霽稍出諸徑觀諸毘盧遂啓凌霄時予有河魚之疾



義兆亦扶病新起

芰荷初卷薜蘿殘半杖龍尸各護寒山鬼經秋尤怯弱畏人扶  
病取嶢峴

百辨杉絲石髮垂空庭鐘磬冷多時如沙教子談無學更殺青  
梨付與誰

解事闍黎事事難一院穿衣一院餐頑石自成門外漢知無火  
性爲誰看

織竹窺簾徑徑中劔泉引水枝枝通千尺符筒成派字不知竹  
派自家風

寂照堂西壁水頭上池橋次石蒲流紅絲水蓼積開徑蘭菊誰  
家傲素秋

佛爪山中橘柚房鳥窠宿草各含芳別欲呼茶名瘦友無人號

竹爲空王

斷峽中條語未刪島可當年不掩關箇箇齋頭詩本子亦是江  
南有韻山

迴巒曲折水分縈約似匡廬上半層西望雙池猶極目白榆星  
引琉璃燈

道中逢胡僧四章

自凌霄歸逢胡僧豈指道中舊是華山所遇又來於此  
行脚遯荒與異物相逐亦足恠也

獼猴鼻眼紫氍衫不向枯崖坐結庵到處相逢誰急足一般流  
浪未歸龕

啼猿語鶴莽相求共有珠光惜暗投不信長空空道濶青鞋昨  
過華山頭

劍頭如水杖如風不畏相逢狹道中無限山精當面過習知姓  
字與孤踪

麕皮麀尾各支離碧眼方瞳對燈時不作漢通一語人天何  
處取導師

初至三過堂覓子瞻遺跡愴然遂乞火過雪橋下□乃還

憩梅谷四章

王申○案大滌函書作與  
義兆之徑山信宿梅谷

煨柶燒荒草復青古人三過尚題名崇甯鈔子輕於紙空有殘  
碑對化城

古木陰陰記昔年鶯啼新火約畱連半生過此已難得那復重  
來說舊緣

鬢翁心眼各空青勅斷花邊寫藏經祇今安得吳道子別寫蘇  
黃奇香冥

靜猿慧鳥此侵尋不分殊密與聰琴後人會議徑山雪別似當

年寶月琳

案會大滌  
函書作欲

大滌山初宿李忠定朱文公祠次四章

九鎖空山禾黍深御書繁誥已沉陰直曹願作老提舉尚有衣  
冠照到今

駕蛤何時不化人沙蟲猿鶴各能鄰迂儒九死還初服不啜靈  
芝亦總真

碧霄帝子貴清虛盡教儒臣棄舊書先學上天後識字當年先  
輩已趨趨

胡馬開消三百齡墜垣猶自歇精靈仙釋自然小天下迂儒祇  
合坐空庭

病中尋大滌栖真歸雲龍蛻鳳鳴五洞十二章

山靈仍不藉蠲除漢殿唐碑荒草餘  
又舉死來高士少幾人此處坐研書

元蓋洞中平頂頭常疑上下有層樓  
華陽東道深如許洞底真人閉玉甃

天然巍閣嶺西宮碧藥元晶呼吸通  
赤帝經秋新灑掃青皇避暑又涵風

神禹危栖偃仰時巨靈不敢奉支祁  
世間無數龍鼉宅盡對蝸牛舞柘枝

歸雲深闥已難量尚有飛簷架窈房  
自是山人無好事休疑真宰隱文章

翠瓦恩櫺鬼琢成何當竹筍欲穿  
本腰鎌手鍤誰相借自放白牛日夕行

龍蛻嵯峨百尺門窈然一曲卷雲根  
垂胡著眼已如此何必風雷更閉藩

迴廊曲室錦簾垂各有興闌歌定時  
鐘磬空山包得住如人圍肉坐彈絲

莫倚蛾眉螺髻尊亦須瓔珞錦文鴛  
穿雲禮石幾人去空向綺黃問故園

雍門抱瑟初談日素女開絃未剖年  
井竈尋常風雨過不妨笙管再周旋

名園開落亦芳菲南國經邱如此稀  
水石千春湮不得麥舟傾蓋未須歸

孤松殘石各相關何必孱顏萬壑閒  
人比伯夷猶未遠不知薇蕨隸何山

大滌山中郭彥深勸駕八章

漢室明光有故宮規模不與六朝同山河舉眼猶如昨祇在孝陵鐘鼓中

鼎湖龍去遠難攀幸有岐豐天作山萬里黃河淮水合於今果是玉門關

杳然玉斧割中原杜牧無能著罪言名士定多營兔窟將軍嬾作觸瓶藩

健鬪羌未息機虛名終陷鐵城圍江東不信謝安石肯向征西解荔衣

天意憂危天步艱中庖搏火幾人安白頭不發熊羆夢水冷羊裘共釣磻水冷一作合與

戰克淵心不可幾卻萊墮費已多違平生冷笑夷吾老空抱包

茅塞楚威

芋栗空山賦暮朝人才久已失韓蕭應知百蜡尋常樂不問負

薪舊老樵

看誰叩角已逢桓正是君臣魚水難瀘水祁山猶不就當年空

捨竹皮冠君臣一作南陽瀘水一作六出

和王覺斯見寄

巫陽不識古靈魂霸死明生盡帝恩九首豺神今盡落一杯椰酒奠王孫

又和見懷三章

頗聞塞草悲春霰不獨江蘭怯早秋薄戍戎衣無鎖甲當年空卸單于頭

避雪雁行不怪疎羌胡篳篥復何如明妃一曲斷腸操祇為和

親舊日書

每見新詩思輒慙更無詩序寄青雲詩人不足酬君事盡把青雲寄與君

又和寄謝二章

彭老前頭八百春姬尼頂上有高人不知鐘鼎成何物燦燦星河掃玉塵

鳳韶杳杳鳥啼多不禁巴歛共楚歌回首三年成隔世更無東岱與西峨

登越王峯六章

絕嶺欲看全越身雪簾猶掩舊家人此中豈有真西子故遣屏翳老效顰

梅雨多應不看山山心不與雨相關特來此地採山骨不因雨

態不開顏

藍輦居然擊箭牌嫌無世屬與青鞋京城不少沉香火細婢梳頭坐小齋

遲晴呼屐已淋漓遣借楸枰又一時碁聲莫共簷聲響佛火燈花亂所思

登臨何事記當年虎館鷹巢老舊緣縞帶半隨荔薜盡常聞石髓寄雲泉

傍碁袖手我殊能尚有餘才度紫藤欲挂餽船衝雪岸不知誰與共擔簦

壽陳乾初二章

雲門山長老談經宛委高松千尺青新意舊篔簹亭子外任教鶴隊入雲聽

載筆穿雲復幾人如君王氣遠吹塵不呼鳥爪搔背肯撒飯留  
砂事事新

雨歸溪頭見諸友蹠洗湍次四章

千仞危峯帶雨游縱橫萬壑與爭流不知苦行越王佛可似定  
情范蠡舟

駃騠超母自權奇拔足追鴻年少時老大童心猶不盡慚看花  
象與螺師

出水蓮花沒盪來從誰逃難拔身迴袖中可有和熊藥與洗山  
南白雪灰

失計胥濤妬比鄰二千犀甲護前身重來捲土君休問未鬪鵝  
羣寄水濱

五日自梅溪過項里六章

永和上已傳千古午日宏光又一時半局殘碁皆碎著幾人更  
有未完詩

碧眼荷錢浸畫船更無人說古蘭亭家園菡萏燒紅葉醉殺榴  
花不敢青

稍過梅山已放船欲看項里再流連讀書學劍成何事復管人  
家上水田

黃梅雨湊鯉魚風故園簫鼓亦江東贏得扁舟閒自在不知身  
在鏡湖中

懸崖石塔古畫圖又見辟兵五日符愧向殘碁銷屐齒中流可  
有鶴聲無

通橋曲院半朱欄新乳雞頭未破寒北地人來難買宅裁將荷  
葉與船看

送陳章侯五章

作客興公常自貴多情  
園度未離家最嫌入幕  
徐文長五洩峯頭哭暮鴉

龍壑空潭古鑿餘仍煩餅餌  
游魚世閒多少精微事  
莫纂今人舊日書

萬卷牙籤古世家  
隨君種竹與鋤瓜  
七代漁人談底事  
不關春水放桃花

弓兵在處攬熊羆  
可是高人弄筆時  
中夜鵝羣聲不絕  
更無精墨度人師

聞爾才名三十年  
等閒揮灑黃金千  
看人接翅成鷗鳥  
不向象王乳下眠

題葆素洞山四章

江南幽勝半經刪未識君家招隱山  
天上真人都癖癩何時童  
老健飛翰

曾許題詩久未成不忍名山易著名  
陳衍方丈詩句好印來潭

題別葆素洞山四章

月十分清

石橋古寺水西流蛟窟大河灑上頭  
不信此閒情致好主人猶  
作十年游

桃溪蒲海晚樵風盡在畫圖夢寐中  
處處青山逢鶴箭無人寄  
與鄭司農

題畫松似友人四章

歲寒風致老當家確不爭人頭上花  
縱有雪山平馬日應無青  
鬢爲藁葭

不待鶯啼初變禽掖梧院柏已無音  
菖蒲一夜花開盡未識高  
巖幽澗心

封壇遺迹那能圖散木居然得董狐  
幸有此翁筋力健天傾不  
倩竹相扶



連巢何處結雲親共是未彫風露身我自不堪支破壁爲君覺  
棟禮千春

鄱湖舟次二章

一番意棹有追攀各有魚龍虎豹關拋卻隻身江上臥風根雲  
樹一齊刪

噓雲兕雨掃江流祇在香爐咫尺頭清淺看人時數少合移屐  
齒坐高秋

石阿偶作十章

從鄭白麓本墨蹟一作橋園偶  
詠多七章乃下山齋雜詠也

安然竹葦老吾盧蛇蛻閒圍碧艸餘不向江湖弄明月鯨魚鬚

髮嫩於蔬

案竹葦一作蘆  
竹湖一作心

野燒連天斷雨絲精狐文鼠共焚芝道人欲賣濕雲去猶記顛

狂墜鶴時

案頭一作輕

漫此燃香蓬艾中濕屢蘊火謝擔風前山噴薄緣何事祇作蒸

籠煨乃公

案屨一作灰噴薄緣何事一作  
作空得爐烟意祇一作又

眼簾深向碧溪垂蟻路平穿到屈釐便使桃花重蹟面不堪月

下乞蛛絲

積雲已化嬾園禽甘艸難翻苦竹心莫怪夜鳴頻感穎依然白

鳥上緝林

黍谷瓜園路已平麟骨相未分明千金解角題山子猶是畫

圖舊姓名

許種溪雲十斗賒牛棚鴨路各當家鷹鳩本看無恙九錫閒

分梔子花

案十或作百  
路或作裕

熱雲不斷鐵鷄子野水頻枯曳落河出處弓刀身手好祇無人

穩坐魚蓑

案鷄一作鷄  
枯一作呼

濤斜褒谷亦精能井竈何曾失準繩縱與木鳥翻楮葉勿教龍  
燭下張燈

已勅龍賓歸墨晚閒拋虎僕息當年

閒錯鑄錢

此首從鄭本補

無投滄海不與人

徐霞客自陵來訪山中不一日輒搜奇南下覓籃輦追

之百里乃及相將於大鋒巖次兼訪劉完公不值阻

雨分闔各得十六韻

見浙中宛黃合刻

鹿豕追羣天下無四千里不停斯須剡舟直望青天上山靈莫  
笑老人癡

豈無山鬼不開懷雲樹仍將鴻爪埋不信呂稽當日駕曾分鍊

杖與芒屨

墓下松新未老雲林疏山淺合慙君悔不結巢黃海上銀雞皓

犬試殷勤

投杖成龍去莫尋銜書青鳥尚遺音此生便使無雙足猶擬扶

籃過道林

薜蘿山長亦稱雄未畏道人屨似風放卻鳥身一百里依然鶴

伴未開籠

緩步先蹄我亦能曲鉞頑石各何曾萬事讓人騰湧去讓誰先

接手中藤

憶別華陽三洞頭小船夜去不勝愁家園未透包山洞况領銀

河何處流

井欄語鮒意未窮錯引駮駝東海翁里巷危巒空老大不知人

慣屐雲中

湧霧堆霾風雨滋炎蒸正值火雲時清秋過此能多少悞聽蟬

聲聞採芝

履靈未遽鬼能猜不合衝炎冒雨來遂使此峯成突兀後人輕指青坪哀

玉室金堂何處看愁分許邁自臨安洞霄講舍荒初業空屬流雲寄掃壇

九疑兩室語模糊一一從君領畫圖黃犢少年行不到白頭風雪幾時蘇

上格真人不署銜閒分真氣為開嵐鈔丹擲劍兒曹事無數石頭不放參

積艾焚山今已句枕中寶字各停搜名賢不喫明光草海上新書寄碧鷗

少年曾此輟攀躋凍雪摧松十丈梯每道名山藏拙穩老來相

迫已如泥

山南山北舊開帷書罷柿蕉已十圍餉燒猪今已矣首陽人

自準餐薇

口占候倪母前慶

二章外別本大滌函書補遺

種松已作老龍髯勿復青霜白雪嫌帝子乘雲相攜手依然華舞近珠簾

北堂強飯且加餐千古聲名一日歡知廢知興二母事看將仲虎再開壇

偶見鴻寶遺筆

蕭然墨菊老披離不見高人動筆時世上風雲俱艸艸傲霜空有兩三枝

宏光元年夏五朔將往六陵阻雨是夜夢倪子新作詩有

北窗收鶴足二簋散禽齋之句覺語諸兄云是且歸矣  
諸兄亦無復入六陵者已而人各趣裝還郡予獨與獻  
汝艤舟過柯山因用爲韻各成十絕

鐵騎已橫淝水北戈船莫到雀橋傍八公艸木靈如許況是風  
雲舊帝鄉

搔頭弄馬復當窗不信羌兒欲渡江中夜去梯謀甚事千尋鐵  
鎖對銀缸

西風偏送楚帆收金印何曾醮虎頭記得開平還采石當年猶  
未肯封侯

定有高軒承戰鶴誰將割蜜復驅蜂新亭手板頻頻倒莫使游  
人折短筇

天際真人休跂足樓頭老鶴已抽蹤青山不染杜鵑血日落紅

霞自在紅

貌虎桓桓誰不貳羽林若箇是孤兒珠槃燥盡無牛耳空送人  
頭與月支

一撮塵塗成土簋年年玉蟒賞渠魁江流八面環揚子何處  
兒墜馬來

不是王何愛蕭散祇憑蠻角鬪枯涎山頭處處呼廷尉又向江  
神賽紙錢

春田三祝未遺禽豈有飛鴉復頻林飽虎飢鷹俱突兀祇餘蟋  
蟀小堂陰

兵去深山結小齋竹籐麻幘老青鞵平生不識運期耀訣向君  
山叫鐵崖

黃漳浦集卷五十一

七言絕句

山齋雜詠贈恒如慈周二上人二十章

鳥雀喧天天不疑可憐天夢失龍影稻場六月棲鵝鶴不是風師是雨師

千行鹿乳斷慈雲十指檀香不敢焚自向長松投筆羽盤空頂踵謝氤氳

雙鵝飛墜大羊屯不謂軒高鶴不馴買盡黃金描虎目輸將青粉畫霜筠

蝸旋已到錢坵牟鹿顙能辭金轡頭老去不知牀上下一隨籐竹臥高樓案旋一作髯到一作挂

何處蘆花別塞鴻不分野火上焦宮許多白石南山事盡在空

齋魚鼓中

案野一作蟹

露盤風碎鎖金繩  
曾向銅人別未曾  
百丈青松掛屐齒  
不愁猿掌斷疎籐

無礙疎風過竹林  
何妨看鬪坐彈琴  
共說蛟龍翻洧水  
小龕閉

眼未安心

案共一作見蛟一作乖洧一作渭

抱甕倦多午不鋤  
蹲鴟引子上蘧籐  
退光寶劍昏於漆  
給與鄰

兒割晚蔬

案蹲一作躡漆一作菓鄰一作麟並誤

散髮布沙成細迹  
垂肌救虎已難摸  
燃燈夜燼三千卷  
雷得天

王歌利圖

橐駝項上坐鴟肥  
罨畫簾前捲燕微  
不合扣舷投竹杖  
滿汀鷗

鶴一齊飛

緣槿百尺小垂時  
不與輕猿說便宜  
平地放光無巧力  
燈前蟻

子墮青絲

燒卻明珠徑寸灰  
老龍合爪謝蚌胎  
月光透岸穿江水  
猶有魚

蝦驚跳來

肉鬢金臂坐空山  
蚊蚋斜飛虎不關  
但有數行人面笋  
夜闌螺

鼓不曾聞

風雷可惱蟄蟲無  
牧雨催花破鳥笈  
怪得夢餘無蝶氣  
猶將殘

粉弄花鬚

解衣刺棹且高歌  
未見傾巢到鳥窠  
儘有橫江舟不渡  
千金脫

劍買漁蓑

依簾鳥鼠護經牀  
雲磬無心度短檣  
破法不干敗鼓事  
逆風全

在紫檀香

百神蹠首臥南門  
縱有神師不敢言  
自禮石頭千滿日  
一齋簫

鼓導王孫

巢陰曷旨結花城賺得獐狙百菓平笑殺駱駝疽出背鴉羣猶  
枉嶺頭行

鋤園汲澗罷朝春日暮何曾得倚松不是主人焚義卷霜晨開  
擔復鳴鐘

泰岱峯頭碧瓦飄高人樹底動驚瓢兩翻甌憤隨秋葉無數帆  
風過晚潮

山居三十章

解擔依家春復深別無一物足關心稻田不給師松子筆塚新  
荒付竹林

十年梅李已成行宅險居平罷較量雙膝曾穿幾寸榻百錢猶  
梁一匡牀

雀羅庭下領高蓬亦有蕭然千古風不謂無才攫物患應知身  
在太平中

倦臥貪看山眼青不干人醉與人醒窺園忽憶陶家令五十辭  
官到百齡

開門走亦不關塵祇覺禽魚日可人捨卻一身爲數澤管教猿  
鶴事親親

少年終未免粗豪抱膝無端想二桃老去姬公猶不憶兼葭聲  
在刺魚舫

一髮繫名何足驚世閒畫棟未堅城秋風不折獨推草自理藥  
畦種杜蘅

不談邸報已經年省得社頭爛紙錢柿葉蕉花俱德色勸人千  
勿惹松烟

逆鴻揮手漸裴回山鳥向人掌上來不是此身輕作餌入羣久  
不事相猜

秋冬射獵那能宜表虎醫羊歲幾時依舊書生初學字俱無法  
律是吾師

芸蠹任多風雨淹終年手口事窩簷看無一卷頭將白龜燕耗  
耗長舊髯

築塹縛簷事已曾尙餘織屨歛精能十年手爪經三脫不及天  
台嶺上僧

木奴未長荔生初養性自應不著書唯有韋編翻不斷十行草  
費百行鋤

半廬細得似青船不奉茶鑪與酒經人世華清供養處伊誰曾  
夢到胥庭

沂泳江湖道路難一坳塘水亦漪蘭尋常泛得芡荷葉便作安

帆萬里看

門前雨信縷區雲何必石間山上聞唯到雞啼潮水長柴桑深  
不似江濱

鄰墓雜蘇今亦稀偶因麥雜坐忘飢不愁竹老開花去搯得石  
鐺自在歸

舊事華陽清異天世間合有冷神仙空山木石私名號盡狂尊  
盧太古前

六籍親疏總未酬燈前猶解錄蠅頭祇因畚鍤催長日忘卻琴  
書在釣舟

轍跡墟深便不煩千錢買鶴那能言柑花落盡蜂衙散聞道帆  
山有白猿



桃老不爭朝槿花兩扉亦算有人家窮鄉未改舊名字馬牧先生事免置

青童舞劍老攀鞍縱有新聞總不關數樹紅梅開盡也依然翠蛤坐花間

憶得石狻初下年五雲瓜蒂各句連野人不解徵祥事自插蕪菁過旱田

癯方久不自摩娑虎髯時兼鹿箭過豈有折肱通妙理新傳青麵肖華陀

閒將石髓試地榆葛令何曾誑老儒祇是此生頑且鄙羞投晚刺與山都

魯道兒城戲築壇渾敦眉眼又團樂自身不解題仙掌別教他人畫牡丹

體物騷翁老白描笑人插艾自盈腰曾從狙嶺親看過真怪王孫不可招

一札千行不避哢散心今省得招降不知過此十年後能得方瞳復一雙

空階躑躅老成癡不是一人那得知椽葉松楸看盡禿投懷猶作剃頭時

餘生不爲隱成文祇祝焦廬大莫焚虎鼠麕羊隨世斷吾身通奉石爲君

雁蕩見陳木叔送徐振之作別九章

吐餌江魚掉尾深驚鱗何處更追尋餅師酒保時交語錯別孤鴻天上音

有翮應知自化山翻空毛毳尚宜關飛魚上下青烟路不與猿

啼訴往還

焚車屠馬爾何事弄鳳嬉龍我不如寄語蘭臺舊藏史安期初  
不讀異書

鮒黿白日自相訪江海居然不可方刷盡落花希有輩載誰萬  
里共翱翔

羌魯東西何處友椰鬚象鼻一虛舟岱華舊作婢兒事絕倒崑  
崙老上頭

虹汁灑人白髮遠燈花炙客旅思繁五湖硯底星星暈縮地工  
夫不是丹

老來最敬蘇公業近事休談馬少游閒卻一身成野客依然項  
背似沙鷗

藥几藤牀亦自如涼身驚託火輪車平看岸谷成魚齒莫向方

壺坐釣磯

遠道白雲安可致能成黃竹老相期遲收不死東方草誤與商  
顏無盡芝

放生詩五章

一年一現優曇花便作茅狙與飯鴟總是檻籠攜去物空煩佛  
手上琵琶

報恩雀蛤眼空青歲入禪關又破扇斷臂幾回成法事不看人  
寫藥師經

滿簷風雨各胡摸記得真師梵唄無已識刀絲同露葉不分法  
水與香厨

雲磬聲柔迴法王香沼與香臺諸天飛動無名佛盡向刀  
頭合掌來

天家秘歲少人知寶椀晶燈龍火師再作魚蝦生已細不貪螺  
鼓鬧津池

偶作寄示同志四章

松髯黃時白鳥飛石花蒼盡紫魚肥已還東海拋金藥不向西  
山更採薇

虹殘水弱不通橋夜闌危松自上潮雞犬狎看鑪火冷未貪鶴  
隊在青霄

巨鼇背子不安巢鳥翅危橋靡似茅一自整冠如廁後任分鬚  
鬣與長蛟

浮沉瑤草不抽牙千丈蓮用未著花怒寫長松三百尺惱人捉  
影問橫斜

衣帶詞

蛺蝶飛飛花氣和風涼花屋重婆娑已向練裙書數字慙無墨  
跡爲羣鵝

石聽鈴詞八章

溫室樹深鶯語多誰翻故燕與新窠荷香不隔鴛鴦陣又出檻  
前護鬪鵝

齋壇香起白雲垂霖霖恩深元武旂步輦向來新拜舞晚涼更  
與射兒

金衣墜子舞毬毬蹋空翻笑語開舊日銀鑰西巷口選兒不  
識取毬回

蒙頭拔袴誰家親纔得恩波敢負身忽報金吾中旨問涼棚徙  
倚定何人

綵輿何殿過宮斜老大開顏道獻瓜近日南衙聲氣好祇談邊

塞有風沙

移宮車子不教傳北殿長承過御筵白髮老兒何處去無人知  
在海西邊

九曲連環一尺絲中間不度有誰知後輩小生眉眼直弄環終  
有不穿時

玉珣弓響眾開絃龍馬回因不動鞭認取一枝呼萬歲眾人分  
賜百青錢

江皋指詞

風濤千尺下飛槓直際蕭條坐不嫌祇樹欲偷青貝葉鮫人仍  
貢水晶簾

午日宮詞四章

金錢戲罷雪團巾綵縷今年重避兵欲賜百官九子粽外聞弓

子不勝輕

畫舸雲燒日已排龍胡猶未注銀牌日午諫章看不上搔頭方  
自捨金釵

茵菴新塘並蒂無開花那得到菴蒲函來黃帕雙條脫誰賜夜  
明雙蚌珠

午符封璽屈盤螭團扇猶當清暑時內閣近停新進奉殿頭傳  
語若支離

秋作捲衣詞送鄭峯陽諸公南歸八章

芸鋤芝草亦參差何處峯頭不菊花堆向空中聞打麥直符猶  
繫老農家

魚龍風浪隔雲關纔見近山又遠山直到蓬瀛宮裡望方知秋  
意似人間

空山桂子月明光卻爲空山欲雨霜鶴雁曾經月裡過傳聞月裡更淒涼

鷓鴣微聲百草疎枕中歌哭夢中書南華秋水能無恙慎勿教奴誦子虛

黃金如水滿荒臺玉屑香塵百斛灰吾師藥就去滄海未有傳方海上來

赭鞭鞭石石爲愁老鶴孤飛亦白頭但得乘風數來往海中不見十三洲

登樓日日見浮雲一樣流波百樣紋島上巨魚雙獸迹知誰不是雲中君

一尺明河萬里天枯基半著亦經年爛柯山下饒金酒莫愛烏銀貫酒錢

遊仙詩八章

霞鐺雪白久分攜秋水邊頭散馬蹄不識莆源星宿海當時移到小山西

紫鬣魚鞍控得無琴高海上有高徒三千雲眼圖空藏照出龍領不動珠

藥槽翻盡古誰存蹄兔釜魚各在門不分頑郎來洗足撞玉女洗頭盆

燈青茶老水安流口快談經又過頭掉尾老翁休竊笑古今蝶史自春秋

土髓傾多不紀年銅壺滴箭老田田欲買青腰來結凍不教銀漢落水天

桐栢宮前斷峽橋康王谷口桃花潮人閒不識九湖水應放蛟

龍上赤霄

十畝桑田九頃溪不知天近百峯低怪將石髓披將盡又掃殘

丹照碧雞

護貧帝子養魚池拔藕誅蓮正幾時一壑敗荷深箇箇愁關龍

女坐抽絲

送張紹和二十四章

人帖刻作送張次沃攜家入山之作當從之八帖止錄十四章末題已卯

二月作

荷鼎繫書鹿角必曾看麗葛舊移家清明漳水新圖畫又有條

桑共小車

人帖首句作鹿角繫書駕小車三四句作清永南門漳溪外又有條桑隴上斜

宅南九里七巖閒何處更尋地肺山舊日元纁車馬巷每云弋

釣未曾還

每鄭本作可從人帖改弋釣人帖作游覽

石林雲笈各關情在處清涼自築城不負當年招隱策家童心

亦慕巖耕

策人帖刻作集

何郎能語已開懷十問九云山上佳萬卷異書黏石髓戲調雞

子上高齋

思元花發真能酬太古天枯泉亦流莫怪鄉亭多滯客余今買

藥已經秋

天枯人帖刻作洞尊鄉作都余今作偶然已作自

白石橫眉青草局不遣諸生問五經莫怪姜肱發浩歎明時已

不到公庭

人帖莫怪作記得

空梁燕子各忘機幾日慕巫山下歸茶筍今冬應較好伊蒲客

饌競光輝

人帖上二句作柴門畫鼓各安機幾日爆書城外歸競作又

枯魚荷葉足秋燒不是他人墓上樵黃耳亦知成往返數銜石

草上山腰

最愛月明照野時平疇百里湛中池鹿門大小多元識別諷鷓

鶴舊日詩人帖照野

一亭一石雅標題又有亭根石齒齊便作餓船衝到岸不關簫

鼓送雞栖人帖首句作亭顏石笋各標題亭根石齒作石顏亭笋作作是

三春花氣草平安笑語長明燈下看香案前頭人最貴金身老

子是何官人帖三作一花氣草作柳竹長明燈作燈明松人作誰貴作好

餓限能消幾日勞山禽久亦澹干旄埋將傳檄東牆下笑指鄰

翁似桔槔澹人帖作薄

扶藍猶得多中層除卻顛崖事了藤莫說搬家無驛騎班虬到

亦不須乘

版竈上頭斜火深嫵媚副本亦千金牙籤盡付家人典不是珠

林卽玉林人帖副作兩典作禮誤字

大牀上下那須論劍氣盡為蘭與蓀社鬼中宵休見慰於菟不

用守柴門

北渚清溪或子虛輞川小可事巾車江南五處張公洞不及張

君老著書人帖或作老五老作坐

花壇夜雨石屏烟別有經綸秋水編下釣投竿人已倦佛前瓜

果俱團圓下鄭本作一前作家从人帖改

司徒薦草繡衣章未見灞陵今日裝一自空山親杵臼不知蒿

本為誰香

祝豕字蜂我絕倫思量不敢借郇園為君禮斗扶雙足一歲多

生草數根

縮地興雲事有無現前到亦了江湖半生未走華嵩道權作金

峨玉井圖鄭本到亦作亦攝从人帖改下二句人帖作中身不走平陵道擬作金峨小室圖

幽人何事不從容從弟箋書姪畫松閒有新編知石怪先分數

帖與劉龔

中身不任九州長垂老能為十畝翁欲向君家乞桃竹小山亦有百株櫻

益貨生名語最真楊巖各足頂頭人藕門客作如相遇莫使鳳鸞上嘴唇

衣裳白首共栽蘿每看青鞋笑若何記得出山來鑿洞應知此樹未婆娑

偶作二章

天時合怪巖彭祖人事翻癡那晏容不知月下圭峯笛會舊江南丙夜鐘

搏牛季子初拋手血頰將軍又整冠心髻獨借上方筆笑作道場蛇虎看

送舍姪止子還山二章

二章亦見大滌函著入途次偶拈作十八章

狐裘誕葛此蒙戎吳楚江頭共轉蓬去買百弓田種秫王家自有無功

堯家各改儒冠爾尚貪飽憶醉盤臘鳳已同銀鹿盡最無事處把魚竿

途次偶拈十六章

驢背腥塵馬櫪灰雪花攪作雨中苔不知野店芒鞋者曾過玉皇香案來

襤被衝寒行旅欺載途深歎古人詩花磚舊事誰相憶自記上陵風雨時

側岸突梯薄笨車單輪獨坐凜於鷗卻憶半帆風雨折和舟猷棹各家家



射聲響的每驚呼  
蚱蜢又愁百澤枯  
千金一線穆陵路  
幸放春風與鷓鴣

白溝河過草橋頭  
十日看雲滄海愁  
怪得青齊九百里  
更無一水向南流

華嵩已碎薊雲寒  
敢道勞人行路難  
尚有監門難畫處  
蓬蒿投盡未交餐

破瓦頽垣叢棘前  
噉餘白骨尚溝塍  
應知萬姓燒荒日  
正是孤臣急就年

寒風白日捲飛沙  
但有親朋亦喪家  
若爲故園思惆悵  
世閒何處少梅花

百夫長果勝書生  
從此南行罷北征  
泣道關弓踴躍者  
可移煞手與邊城

橘柚自憐蘭芷香  
任移湖海亦芸芳  
平生不作幽通賦  
卻爲搜奇過西陽

險水危灘易折篙  
平流況亦有風濤  
滄洲故老談前事  
猶說遺黎撫字勞

在處飛鳴鴻雁哀  
麴花猶作白團灰  
不是鍾期貪勝調  
輕移絃柱此中來

元穹有意扶弓馬  
皓髮何當犯斗牛  
不謂青蓮多妬句  
去年黃鶴已焚樓

毒靈溪水也滄浪  
丈八浮家自草堂  
賢士豈須名朝隱  
古人幾箇近夜郎

感爾綢繆相報心  
裝絲衣袂各霑襟  
家山何處無鹽米  
險爲孤桐買破琴

知爾拳拳不忍分湘蘭猶未鎖衡雲丹砂綠布吾無累拜歲花  
前見鹿羣

題七松圖壽魏中巖給諫八章

老蒼寫骨初林烟任對涼天與豔天撐住乾坤容我輩不煩鳥  
鹿引喬年

七尺鬢眉千尺材翻從雲臥領風雷一勾穩背千秋簞莫自淮  
南節度來

芙蓉張臉柳支頰不能婉婉坐華崖青天惱見眾藤蔓略作波  
濤散客懷

跂足胡琴韻北窗隨他後蝶共前蠶清飈亦識舊池主半灑高  
人長耳中

橫掃炎雲罷雨霜蓓蕾落地亦芬芳餘脂便作白龍髓未借丹

青汗竹光

從烟上下蚤相宜唾卻靈符殘鼎垂聞道赤松師帝子甯翁又  
是赤松師

解衣點筆興初闌別向青崖自掃壇不是逆鱗逢硬手雷將節  
目與人看

石侶層峯半鹿羣蘭香膏火未全焚欲投塵尾領平子故帶白  
雲持贈君

徐晉斌草堂成與張聘君汰沃約偕謝宏景各賦十二韻

迨還梁山通業未償而宏景先就汰沃汰沃和之陽白  
照人難爲著手也略遣舊意寄爲前篇列附賡音自呈

下里并政張謝用爲劇耳

日日相思賦采藍不從梧院問潭潭吹飄歷歷燕山北濯足垂

垂漳水南

投簪買屨總爲君，不忍峨冠自惹雲。合置一蝸連舍好，獨摧草  
是孤芳

祇今誰似古人才，小點星河掌上苔。無數風烟催竹牯，賒將春  
水半簾來

梅眼能如柳眼青，忘情鳥雀自窺庭。任看石榻模新樣，莫說新  
詩與眾聽

寢辭墜葉覆空牀，伊亦飄然心事長。丹桂不持千日藥，疎麻猶  
拜百香

鳩鵬大小各龍楸，拳石汗樽萬樹稠。洗硯當時三寸水，銀河白  
日不旋流

不輟雞鳴風雨陰，豈教天雨灑陽金。安期藥就投滄海，未及庭

前井幹深

陸沉埋照此無涯，鷓鴣龜魚共散齋。尙有迂儒抽禮樂，不忘懷  
處得忘懷

特種髯奴爲掃塵，列禮巖公冠笏新。捨卻蒲團十八眾，自逢月  
影問三人

開落平分蘭菊時，慙爲埋狗坐傷思。隻身自作橫舟象，不向藕  
根乞釣絲

似我年來人已多，一年幾次度明河。張公洞口謝池草，別有孤  
雲獨鶴過

買樹猶廉於買山，成時近於陵閒辭官老。病令尊在催得桃  
花駐顏

徐晉斌樓居新成賦贈十一章

老大難成十畝築多君開徑亦奇才松杉鳩散各風雨不帶金  
門小殿來

似應移住白雲邊便落河橋不偶然世上可無仲舉宅合畱瓦  
屋與孤懸

臥龍躍馬那相宜猶是韶華遠滕時頽鯉剖書穿竹出隔牆  
與阿公知

散髮行吟綠樹陰晚潮十里通人心人生七十平分箭況此安  
仁髻未侵

無居少不得高樓省卻終南少室遊小可石梯十五尺幔亭王  
子坐低頭

胡牀祇合據中層納得茶鑪藥竈能不向濟寧春水望滿庭木  
末上魚罾

四罩林烟寫練裙一條香縷五花雲龍涎墨髓麒麟骨多少奇  
音世未聞

玉簫鵲報語初闌莫作鼉城蜃市看便作女身猶未字無傳襄  
錦度人間

下簾書卜各生涯刺繡倚門豈當家惟有種蔘收紫莖應添竹  
格幾枝花

畫屏錦檻總生塵縱真蓬壺亦惱人怪得琅玕千筍簇燈前詩  
草十分新

投筇未老著漁簑六月避風雞子窠若使牙籤無萬卷一茅斜  
掩已爲多

如此經綸費寸量布籬著屐未尋常世閒捷足兒無恨不敢偷  
分鄰舍光

續夢

銷寒夢與雪花長  
木襯梅妝共柳黃  
一樣鍼成千萬錦  
憑誰看出是鴛鴦

賦贈陳無功二章

憶爾鏤銀彩筆餘  
每談詩會動懷予  
遠遊欲赴三山約  
猶寄右軍一夜書

茂先博物太邱心  
守劍人知石鼓音  
遺草尙存七百卷  
腰閒應不重黃金

寄贈友人二章

好友何須鼓笈來  
星榆白晝動昭回  
君家經緯明於掌  
但說珠淵卽蚌胎

聲氣誤人塵慮煩  
月明靜影淨柴門  
寒香對榻存妻子  
勝向空

壇禮十尊

新安元夕四章

髦頭腥血卷貂皮  
束胯紅衫弓劍垂  
廿載杯燈傳巧樣  
于今獵火滿江陲

上元何處著鼇山  
毳帳連江鬼火閒  
最是西橋歌舞盛  
魚龍百戲不知還

髮鬢侂子最喧騰  
疊架糊猴弄綵綳  
千歲連呼呼不足  
不知鬼自猶猙

粉樓峻宇少安眠  
舞罷燈前再數錢  
自是此閒無好墨  
嚴關空鎖半谿烟

新安十二日西橋  
演燈甚盛為魚龍  
百戲共趨帳中

念正希已死予又被執  
世事不競遂使人心至此為之

淚下翌日遂絕粒十七解至畱都至廿九日不死復進  
水漿潦倒餘生不能執筆也

過新嶺弔金正希四章

愛爾才名盛昔時欲分麟閣與匡時瀟瀟風雨雞鳴日千古令人誦飶支

績涇溪口萬重山救爾尚差旬日間自是崑華須破碎嶺雲終古不開顏

旌德灘頭飛鳥斜見何處漏悲笳英雄運盡無良算身亦輕來陷左車

殘碁唾手已難工又自論人成敗中但說丹心何所用一時張眼念臧洪

嶺上念正希已死時有在天一讀真從之足爲吐氣

觸日二章

見一士身纏九鎖

九鎖銀鐙烈士軀宛如藤刺遶松鬚世間可有真獮子日噉錐條一尺無

一節干將鑄不成自投鑪冶隕精靈可憐島上半千士無與田橫說姓名

初至白下見玉梅盛開旅次索被襪不可得愴然畱示諸子四章

逢時得地此安然粉雪羞眉美少年落魄江潭何所憶半聲玉笛上離筵

鱗鱗寂寂不勝風乍見如逢雪窖中自種小山三百本難描一本白頭翁

狂瀾已碎碧珊瑚賸得南冠衣帶無亂眼經花花不媚莫須愁

已立於枯

天沃東風那得知尋常野草自摧枝浩歌一曲開君眼會有斜陽零落時

絕粒十四日不死傅君折得玉梅兩枝寄瓶中聽 弄胡

琴六章

有命在天意未頽膽花能得幾時開烏烏歎語勞相問又作琵琶日百迴

馬頭能得有蛾眉老大明妃出塞時自付飄風看隊絮御溝芳草未經知

絃索江南何處無春風偏昵小單于欲託採薇歌一曲四聲嗚咽不堪呼

斷琴破竹已經年纔見聲音便闐然此去青蒲無尺五爲誰楚

漢其悲憐

削鐮伊嚙調不成填喉終夜但呼鳴惟餘照水盈盈者猶識秦淮舊帝京

冥色荒荒音信稀更無桃李坐參差一絲香縷留烟火盡與胡笳訴別離

臥禁城漸聞鐘聲遽然驚覺次第有懷十二章

驕馬腥風不可刪禁臣今繫禁中間一路銀燈成燹火不知身在浚稽山

紫殿椒圖新鎖時豈知禾黍尙離離銅駝欲訴人間恨猶作鬢頭雙淚垂

案逸詩尙作遂

三月孤臣千日愁詞林祇在殿東頭玉欄一曲千馬何處東風不入秋

一番風起復波頽咫尺銀河去不迴晝夜秦庭聲斷絕祇餘碧  
血照蒼苔

狼嗥鴟嘯夜難分風雨雞鳴總不聞急有長鐘傳次第教人錯  
憶建文君

碧瓦華磚碎不辭難言鐘簾未經移五更香靄來荒閣似說高  
皇初鑄時

逸詩香  
作春

爲誰嗚咽曉雲端委佩無人說漢官不是空山連野寺翻多驥  
驛上欄干

墜溷穿簾各落花欲傳深省省誰家六朝舊事生芳草祇有孤  
臣淚未涯

去年此日已辭歸忍見炤門坐掩扉窮鳥潰魚無去路今年重  
住錢城圍

累朝芻牧一朝空馬圍當年在禁中今日禁中成馬圍古來烏  
兔失雌雄

右連尚食左朝門隔舍綸扉祇一垣苑去枯來尋此老青天擇  
地表君恩

江濤又射石頭平無復英雄歎治城罹雉重經狡兔窟不禁風  
雨一悲鳴

右繫尙膳監夜聞鐘聲感諸舊事不禁潸然

### 有所寄四章

何人心事最蒼茫不忍相看涕淚長一尺鴻溝分楚漢千秋蘇  
李恨河梁

逸詩恨  
作恨

馬角烏頭未返風委蛇心事廿年中白虹猶著青雲氣不道桑  
榆日已東

逸詩事  
作緒



兩朝遺老各悲離鴻燕參差異音時玉斧江流甘一割新亭何處不相思  
蛇龍虎鼠失商量不欲登牀訴短長羊陸當年相向處至今蘋藻有芬芳

後夜聞鐘再理前緒六章

噪定方知是禁城不堪臥起共分明祇覺晨撾沉百杵更無朝鼓續嚴更

北闕今知借與人鴉巢阿閣共塵試將往事搥心過俱是宵行送漏身

珮刀宿衛古金吾化作刀頭稜面記得黃門北寺裡銷魂五載未全蘇

閃電經過意已寬報恩難得共摧肝河山已改舊時夢猶作舊

時斂樹看

懸魚檻獸各難論不復悲啼怨此辰可是捐軀無報處墜牀毛

血一親親逸詩各作古

暖灰熟芋舊家園中夜何人更叩門一節抽身抽不住千秋芳草怨王孫

毛園水別駕趙淵卿司馬賴敬儒祭時培一中書皆從子

就擄相持彌月矣正月二十五日迺分羈他處愴然有懷無從寄問也前後鬱伊凡八絕句

敗鼓趨風更有誰幾人徒步急相隨平原一陸能無死要有偕來天地知

矢空援絕盟寒無復神烏下祭壇急智書生休捷足饒君蚤作白衣冠

虎鼠當頭變色時  
家人不得敘悲離  
五千壯士分星雨  
賸得謝翱賦小詩

夾騎閒關淚不揮  
驟分驟合且因依  
惟有都城深隔面  
不知銜

土向誰歸逸詩夾作炎歸作飛

不盡名緣膩著人  
愁君好我敗精神  
一次相逢一惆悵  
生前可是未分身

信宿分襟遂不齊  
坐俘祇在大庖西  
經書百部無談處  
中夜深

深聽馬蹄逸詩啼作啼

北寺西曹憶往年  
朱涂臥起共凄然  
定加一信酬前業  
少得挑鐙破榻邊

荒荒龍血滿居諸  
蒼頡當年未著書  
何處一行看不透  
教人灑

淚問衣魚逸詩滿作漏

又寄過十四日恐以予為死也然亦無從省其達否聊以

示意十章

勝霸朝聞傳習中  
不經毒雨不經風  
要坐虎頭撩百獸  
別傳精意與驪龍

師子林中架足眠  
躡躡線裡罷牽纏  
要將此意明於月  
不與鷗

巢領暮烟逸詩要作看

鍊樹分根過小崖  
但疑七日損魂芽  
蟠桃結子千秋外  
不是東門一夕瓜

凍釋冰融十二時  
上陪天帝下田兒  
家家到處辭親友  
不與抱橋女子知

凌雲老柏卷旋螺  
獨活臨風不動波  
無處著枝更著葉  
看他根柢自摩娑

畫符莫貼閭風門兩足騰空猶自尊少許不毛千里蔓蛙啼可

遽上崑崙逸詩啼作蹄

辣命芳根委少年校書人已墜雌元斷蛇截臂一般手領得枯

松太自然

鍊杵於今未度針閭河織女自纖纖不信天公無姓字定從北

斗指高簷

百節難成無漏身滿天雷火洗前因堆山瑪瑙疑龍骨到是石

頭自結燐

當年石鷁領春秋會說龍蛇老合收再取麟皮為法鼓聃曇二

老未搖頭

### 癡想八章

癡想者繫舊禁不死復思從華頂黃海卒其餘業也六

十餘生備嘗荼毒見野葛熟醜澹然無味安得翻飛干

仞頽仰獨尊緬想當年不往辰陽自出潼關豈復至此

但如此世界黃華真人何能自保纔一轉念愈益其癡

舊禁尙方固自奢於白雲尊於牖下也

十年殘夢已翻齣又夢華山頂上遊不是庫庭無楛矢似緣鶴

箭尚輕柔

渡河夫子已迴車無計能通燕趙書卻有異風蘇兩翮方圓天

地視遽廬

嵩華兩室不經過似有經書未破多弱水定通銀漢路不妨匏

葉捲天河案定逸詩作能

箏風箭雨各匆匆半在頽垣破瓦中判作窮山老道士木灰猶

有十年功

古人心血已昭垂未見星辰晝語時烹煉百番微滓盡回丹別

換與爐師宋百逸詩作幾

智消道長老難裁盡說灰身失命來殘劫不經鎚鑿遍感生帝子未安胎

胥靡囚各當年野葛二分傲綺筵老子關前無氣色化胡不是老龍涎

崖移劍墜已難求從此拚翻到盡頭浩蕩乾坤成一葉芥庭何處滯孤舟案逸詩崖作岸從作似孤作輕

又寄亦以為慰八章

明光傳火火傳薪盡道成仁便殺身畱取仁人雙眼在一看薪火一看人

觀生合到未生前石鑠金銷不記年經術已傳文字外孤身又

枉旅魂邊逸詩又作可

飄花往往自飛翻不信空諸自在尊試向崑崙岑頂過更無電鼓撼天門

峭壁平丘共一山於山體性不相關要是油然覆天下點雲拂羽自知還

斷琴頗記得風霆猶與霜鐘共對鳴欲識此身無墜處絳霄飾雪共輕清案逸詩頗作不共作相

枯腸容易不開花風雨能持老婦家此意何曾關至極猶分飛乳與啼呱逸詩持作支

長繩繫日已消除白髮猶畱千丈餘不教老柏潤新雨欲勸危松且讀書

鼈靈精衛語淋漓盡憶君臣父子時勘到海天消竭處愀然初

亦不經思

二月朔後引磬不殊起而慨然六章

溝壑精靈不易裁除翻白刃省摧頽品題人事顛連盡別有文

身龍子來

案頭逸詩  
作惠非

斬蛟射虎捲江濤見爾雄心動羽毛身是日輪無碾者不與麒麟

麟鬪寶刀

不堪聞見事憑陵膠目驅車又一層何處匡扶成底事銅盤牛

耳奉高僧

朱闥尺土死何辭似是紅顏擲鏡時放出枯龍枯海外破山動

地有誰知

違邦不道陳文子逐客休談蘇相君句卻一班紅抹額嶺頭又

過一層雲

白魚空自捨靈符野鵬何曾止坐隅天上寄愁無不可雲中君

謝楚大夫

抵暮四章

日色纔傾便闇然陰房腥火已吹筵魍魎怪人思不夜羲和卻

久欲投鞭

歸巢鴉鵲各相呼鎮有鴝鵒心眼粗五色文章供薦席後人難

作鳳衰圖

渡河狐豕幾精靈無奈紅輪不肯停催促登牀盤礴後佛鐙魚

鼓為誰青

丹檻雕欄供爨餘冥烟猶自比狼胥何處燭龍能不寐少開眉

眼問居諸

傅對揚晤語輒贈四章

可人膽骨不尋常較量荆卿張子房年少相從無得力不分圯  
上與田光

強藩盡逐

馳草澤英雄合與誰看爾立談繙七略不將龐

老認吾師

盧龍久賣漁陽火飛兔尚從稷下來樂顧千金名已著等閒莫

赴昭王臺

雄才入細始温存况是穎公舊子孫試向天河輕挽手不教狼  
矢射中原

前首原云可人膽骨不尋常毋笑因人張子房數尺鍊  
椎收不住卻煩鑄印與眞王非駁子房也正謂任已之  
勞耳此作已付丙丁又爲漁陽再發引竹花落烏啼何  
常之有並附識於此

思在黃海八章

從之  
移改

案鄭白麓本有十二章內第九章以下據  
石齋逸詩乃思在華山顛篇之四章也今

丹砂峯下煉魔堂千輩緇衣繞法場勝事會須消歇過空山面  
宇自清涼

一坳深僻亦奇峯小得邃庭環照中松障上頭看不到別煩危

苦與相從

割裂岱華又幾年雲松無處不焦然天翁刻意消青髻畱取粗

頑照白顛

竹徑未成雲徑深園丁豺虎共棲歛羊公旅眺

羊日夕臨

筍蕨茨菰庸劣多馬蹄豈復瞻青莎夏涼一洗温砂水不爲身

輕欲解疴

案劣逸  
詩作福

名城墮得已闌干合與嬉猥共破寒瘦竹一枝輕過鳥千千鐘

鼓報真官

案瘦竹逸詩作竹杖

竹節題詩石几閒嘯鸞馴虎片時刪可須閉眼三千日少縱雷

霆一往還

案片逸詩作一

飛身夸父未移時得過仍口城郭悲乳燕覓堂喃瓦下不知銜

土向阿誰

思在華山顛六章

從石齋逸詩補錄

聞說丹崖削四隅祇愁不易領真徒龍門絕處無魚鳥莫似江

心大小孤

蒼龍嶺下少人來鍊鎖春深滑碧苔欲上嶺頭吹鐵笛長安不

見使人哀

風雨二陵未散時灞橋澹水各希奇紅塵撇盡迷青鳥縱有蛾

眉那得知

案以下四章鄭白麓本誤編在思在黃海篇中今從石齋逸詩移此

並蒂芙蓉攢碧空千千不數幔亭峯緱山覆土平於掌那有吹

笙俯故宮

鴨岸鰕畦共不平墜雲落電有何情人閒險趣嘗應徧恨未華

山頂上行

幽人親切寶幽觀假道相看不當歡判作枯藤懸絕壁不垂一

線引啼猿

秃筆作晚唐詩意與字相配聊以省事反成費力耳

蒿里十章

北山逃命幾年前曾布諸曹莫向憐不謂業錢償未了孽孽三

倍索腰纏

尋常傷足便堂吁豈有將身託屬鏤直欲完全長骨肉我生可

有讓仁無

胡鼻垂身不可療餘生拚得是條條獨存骨子珊瑚在香積厨人未敢招

夢魂已卽外孫碑之植冬青四五枝我卽從容明了義憑誰薤葉倩人兒

五彝窠內豈翻新七聖嶺頭勘亦真此道是非耶不得哀哀那敢負星辰

六十餘生遂指彈裡邊夢到幾驚殘自翻圮石書千卷辟穀猶云是報韓

中身不向潼關道垂死奚馳華岱峯除卻雲霄物化外百年若箇白頭翁

事難容已此時言無復延生禮數存野葛蟠桃同嚼盡不如一

握渚共孫

舊禁烏多畢通啼孝聲不絕愴遺黎天宣風雨龍蛇夜此日重聞馬角叶

咫尺南安不敢過龍蛇洪水此間多寡無神禹饕餮鑄猶得餘生弔汨羅

以上詩二十首皆用秃筆揮之鴻寶已死覺斯埋塵世莫宗予開顏何用然而此道水流何可絕也防風難倒猶畱一節以問尼山不知百年後此紙魂銷歸誰蟻首耳

雲霄同知青浦陸我嵩校字  
同安訓導臺憲陳震耀



詩餘

吳江舟中讀雪堂新詩同何義兆賦雪堂豔一闕奉錢爾

斐鐵版彈絲足發一粲也

從大滌雨書補錄

大研停書誰似爾元徽高寄把銀河曳練垂天屈卮注地青鳥  
倒銜閨苑箋朱魚層剝真仙字憶長干小巷氷柱支簷霜蹄鬪  
轡那關情塞赤幟懶開眸翻金匱畏鄭莊平持灌夫直視且  
喜得穿榻神清暫些時編摩心細看齧口飭餒噉三洲輕一餌  
斷纜漂舟咒雁魚無書卻寄拜雙瓠明月投襟寶幢湧地王烈  
微分石髓香阿咸略帶琅玕字恨老翁版煞過橋珮舟當鞍結  
轡想空城難立幟算高賢休代置歎顧厨味酸楊盧肉視祇  
管我鉛汞功粗不料他蝨輪眼細問蟋蟀堂中可為誰調香餌



